

長樂縣志卷二十一

列傳一名宦



天下惟縣令為親民之官縣令賢則一縣治縣令盡賢則天下皆治故欲治天下者必先慎選縣令長樂建縣始於唐自宋元及明清計千有餘年歷任不知凡幾求其視民事如己事不愧賢父母之稱者屈指終居少數然正惟其少也尤不可不誌後之君子流覽遺篇詳稽治法猶有甘棠遺愛之思焉至丞尉教官營員皆分佐縣令以治事者也克稱厥職例得備書傳名宦

唐

殷堯藩秀水人元和九年進士從李翱長沙幕府後為長樂令有治

長樂縣志

卷二十一

列傳一

一

名宦

績擢待御史

乾隆賀志

宋

李葺太平興國間為縣令嘗言守令為民師帥脫有秕政厲民使和氣未洽災眚不銷咎將誰諉遂晝夜勤政兢兢不懈瀕海沙京嶼

頭田患鹵斥教民築堤防禦遂成沃壤祀名宦祠

乾隆賀志

吳仲舉皇祐間宰邑賑貧民杜私謁清操凜然嘗作惜陰軒於縣署

又作弦歌亭其勤政敷化意槩可見祀名宦祠

乾隆賀志

閔希聲皇祐末令邑勸課有方催科不擾抑強植弱周貧甦憊卽其

勤政惠民雖古稱循良何以加焉祀名宦祠

乾隆賀志

方次靜

彭志作

字公述興化人皇祐初第進士歷六縣皆有治績嘉祐

間宰長樂作興士類愛育元黎銓曹課最擢知梅州後以老乞歸
賜五品服致仕乾隆賀志

蕭竑熙甯中宰邑下車卽詢民瘼周爰若弗及振舉百廢尤究心水利根括十七都二十四都諸湖侵地斗門石上有古篆記祀名宦

祠乾隆賀志

徐世英繼蕭竑爲令以清慎著聞不尙威嚴而民自化不事媵阿而名益彰嘗歲旱禱雨輒應人以爲德政所感祀名宦祠乾隆賀志

伍擇之字元賓汀州甯化人太常博士通判饒州伍祐之子也博學有器識皇祐進士初調南豐簿擢秘書監元祐初出宰長樂時諸司暴酷相矜輒興大獄乃蹙然曰以殘忍附上官非我志也遂棄

長樂縣志

卷二十一 列傳一

二

名宦

官歸乾隆賀志

袁正規字道輔陵陽人元祐三年來任邑令約己裕民皆有足稱興利除害惟恐不及暇則論文賦詩綽有古儒吏風嘗於縣治東二里鑿義泉以濟行旅又興水利濬港以溉民田人名其港曰袁公港正規不有其功易名爲元祐港祀名宦祠乾隆賀志

陳可大字齊賢興化仙遊人父汝器喜積善有飛錢之異祝曰願一子大吾門足矣奚以錢爲可大政和中登進士調漳州工曹兼右推辨折冤獄人服其明紹興間改知長樂捐俸大修陂塘民爲立碑記其功德又鐫石名其津曰陳令津後擢知肇慶府去任之日惟衣衾書籍而已官終朝請大夫乾隆賀志

吳一鳴字伯大紹興五年進士初官佐貳用漕帥康維新薦令長樂
革勢家寄庄田勤督運時有盜劫盧尙書家獲所遺刀悉召示鐵
工廉知爲泉州巨賈之從人亟以計獲之一訊而服祀名宦祠賀志

王遇字子述一作子合號東淵漳州龍溪人父羽儀賢而有文章遇受業

朱熹呂祖謙張栻之門與陳淳黃幹廖德明相厚善登乾道二年
進士調令長樂悉以所學施之政事教撫黔黎使知禮讓所著有

論孟講議西漢博議仕終左司郎中乾隆賀志

方翥字次雲號西軒莆田人宣義郎威武軍節度推官方元冢之孫
從兄畧官廣東轉運使儲書千二百笥謂翥曰次雲不出戶十年
當移吾書入肝膈矣翥既第不涉仕途十八年盡讀之淳熙間由

長樂縣志

卷二十一

列傳一

三

名宦

藤州教授遷長樂縣令莊以涖民誠以應物常以致知慎獨教學
者元冢與二程講學翥既有家傳又師事朱子而與林光朝施廷

光陸子靜陳昭度爲友其爲政可知也乾隆賀志

陳昭度仙遊人少有高行長卽明道講學與林光朝相友善方翥爲
秘書省正字時昭度每欽禮之紹熙間第進士授長樂縣令爲政

一遵方翥成軌民多德之乾隆賀志

元

呂復初爲江西行省左右司都事與廣東僉事獲獨步丁同寓福州
後復調攝邑事明兵下福州復謂步丁曰吾世食君祿當死報國

遂引繩自經獲獨步丁亦投井死祀名宦祠同治彭志

丁德孫字惟一浙江鄞縣人至正間蒞任崇學校簡詞訟去後見思明

邱宗亮直隸江陰人洪武十二年知縣事勤政愛民務存寬厚麗土之民各獲其願嘗繕修文廟建山川社稷壇塲興舉衆廢綽有

成功祀名宦祠乾隆賀志

王遵道直隸蘇州人永樂中宰邑專務以德化民省刑薄斂興廢舉墜尤崇學政立射圃賢聲振起及應召入京民爲攀轅臥轍祀名

宦祠乾隆賀志

詹奎章江西人永樂中由監生任知縣政平訟理境內清平莊以蒞民明以燭奸廉以律己吏畏其明民懷其惠乾隆賀志

長樂縣志

卷二十一

列傳一

四

名宦

齊普山東人寬裕博雅事親以孝聞宣德間由選人任知縣明達治

體躬行以率民民服其化乾隆賀志

龍韜曲江人正統間任知縣平易得民嘗建退思堂於縣署公餘退食則靜坐省愆又嘗修城隍廟暨山川社稷邑厲等壇治績尤著

祀名宦祠乾隆賀志

黃琬豐城人成化初由舉人任知縣爲政嚴謹門無私謁聽訟吏不能欺濟貧恤孤築塘坂修道路凡利於民者必先之蒞任四年卒

於官乾隆賀志

汪正祜門人成化間由進士任知縣忠信明決屬掾屏迹莫敢有舞文者尤有惠政及民民常懷之乾隆賀志

羅敘吉水人成化間知縣事平政宰民宣協風教嘗值歲旱禱雨卽應治邑七年興百廢均賦役恪守官箴始終如一

乾隆賀志

潘府字孔修號南山上虞人宏治三年以進士知縣事嘗以三事自守然清不激慎不拘勤不擾尤平易近民對百姓如妻子每芳辰佳節輒緩遊郊外與民偕樂有求歌詠欣然應之嘗作橋於河之澚以渡行人改南山寺爲書院暇則與髦士講學其中建觀稼亭勸農亭改邑內諸佛宮爲鄉約堂遵行朱子損益藍田呂氏鄉約以正風俗時以循良稱之官至太常卿祀名宦祠

乾隆賀志

鍾紹字大韶東莞人由進士初知崇安以才堪煩劇更任清謹勤約始終一節尤重風教境內有孝義廉節者必覈請表揚之士習民

長樂縣志

卷二十一

列傳一

五

名宦

風爲之不變邑人稱頌久而不衰

乾隆賀志

龍琰常德人正德十年由進士任知縣持己端莊敷政寬平時鎮守

檄郡行邑屢有需探琰重擾民輒峻拒之

乾隆賀志

楊麒字仁甫號四泉上饒人嘉靖元年由進士任知縣未及期以制歸麒寬洪長者政尙安平民有弗類者必諭令改悔故民亦鮮麗於法尤勞心撫字救疾晷恤饑寒雖施澤未久而一旦去任民若失怙恃越十年餘麒之弟麟判泉州道經縣治百姓遮留問麒安否至有泣下者仕至工部尙書

乾隆賀志

汪瑄字諧甫婺源人嘉靖三年以進士任知縣性惠慈政尙簡易不事炫飾而民安之四年夏旱秋潦饑饉薦臻瑄多方賑恤復躬控

大府丐爲發倉郡守汪文盛因與瑄具疏以聞詔蠲是年田租民爲之歌曰天降殃歲卒荒不有二汪誰立我僇乾隆賀志

曾銑字子重江都人以身自豪嘉靖八年成進士授本縣令涖官嚴明夙弊多所釐革徵爲御史巡按遼東平亂卒於蠻兒等擢大理丞遷右僉都御史巡撫山東俺答數入內地銑築臨清外城進副都改撫山西寇不犯邊進兵部侍郎巡撫如故嗣以原官總督陝西三邊軍務屢殲寇兵累賜銀幣增俸一級疏論河套條八議又上方畧十八事帝始倚賴之後嚴嵩欲傾夏言併譖銑陰令仇鸞於獄中草疏誣銑尅軍餉掩敗不奏坐斬隆慶初給事中辛自修御史王好問訟其冤贈兵部尙書諡襄愍乾隆賀志

長樂縣志

卷二十一

列傳一

六

名宦

何應和字景陽號大溪東莞人由舉人嘉靖十七年來令邑涖任不挈妻孥官舍閭然時歲祲民饑躬控緩徵發倉賑貸焉南北鄉耕穫異齊里胥以時輒更休暇不以稅辦妨民事民或譌造大辟輒欸欸諭歸俾熟籌之無已然後逮鞠久而民信遂無囂訟者閭落晏如不見勾捕之擾編徭役必手自品第屬掾無所售其奸暇則課僮僕治畦蔬素自給出則攜糗以從若寒士然他若周急扶危剷豪屏秕有難盡述豈繫赤子視民亦直以慈親況已耳六年擢通判尋轉知州致仕乾隆賀志

吳遵字公路號初泉海甯人嘉靖丁未進士授長樂縣知縣廉勤通敏爲政務興利除弊育才宣化縣有廢寺二曰觀音巖泉寺田若

千畝豪右將攘之遵悉取以充學校爲肄業膏燭費諸士德之像祀於射圃之寢堂縣賦例輸三百石於萬安倉民艱遠餽遵爲申請得改福清倉民便焉馬江諸渡稅積逋千餘緡久之貧莫能輸遵請蠲之其人樹碑於江滸以頌德邑有高允實者誣併戎籍遵廉得其狀力爲解脫其家繪像以祀赴召之日耄稚泣送於途後拜監察御史遷太僕寺少卿

乾隆賀志

詹萊號範川常山人博學雄文尤邃於歌行綽有漢魏之風嘉靖丁未進士下車卽明法令申教戒期於戢暴詰姦其風裁英果應事如流暇則盡脫畦畛登眺賦詩灑然不爲俗累時浙東島夷陸梁巡撫御史王忬檄城長樂遂以身任之多方經畫俾費不及民

長樂縣志

卷二十一

列傳一

七

名宦

亦樂於趨事城成萊旋改任寇亦奄至自乙卯迄癸亥每春汎烽警無虛日民有所恃以爲歸者萊之功也官至湖廣僉事

乾隆賀志

蔣以忠字伯孝號貞菴常熟人性沈穎精研博采爲文清新婉雅超然於筆墨蹊徑之外隆慶戊辰進士來令邑首罷里胥諸繁費免贖金去稅入之耗却商僧征復濱澗湖射圃學田城內外坊衢橋梁多所營砌以至公館社學養濟院百廢俱興又創豎干之法定福清倉常直編里役尤公惠績久遠民不能忘云

乾隆賀志

韓紹號懷愚湖州府歸安人由萬歷辛未進士來任自蔣貞菴行後邑鮮善治公至廉節自勵催科以時剖訟明恕吏胥罔敢舞文僚屬遵法自守邑人翕然稱之適歲淫雨紹虔禱雨息邑以有年擢

給事中子敬庚戌會狀兩元卽邑著所生也

乾隆賀志

郁文周字文叔江陰人萬歷中知縣事存心愛人操履耿介緩徵恤寡詰盜懲奸修水利興學校士民戴之以疾去卒於家

乾隆賀志

李奇珍號四可浙江嘉善人萬歷辛丑進士下車卽禁公買凡用物適準民值編審里役秉公無徇邑向多竊盜雖行刺配輒逃歸奇珍爲久錮之法以困之盜爲絕迹訓文飭武文風不變武備一新時有議鑿嶺柄港者奇珍爲禁止所全甚巨遇旱步禱甘霖立至册封使者至一遵成法導之出海民不爲擾清直恬淡性尤神敏所見人終身不忘去邑既久遇邑民必遙識其名在邑剖斷如神民懷吏懾擢居兵垣官至太常少卿卽隱居不出子弟俱賢者循

長樂縣志

卷二十一

列傳一

八

名宦

政之報也

乾隆賀志

鄭尙友號月菴浙江杭州人崇禎辛未進士博學好道悃悃無華治邑惟慎惟執朝夕皇皇不自暇逸建五賢祠崇正書院以訓士清復濱澗湖以惠民移小社巡司於大社遇旱步禱民以有年懲盜用久錮之法盜咸屏跡册封使者至有所苛索力以故事爭不令擾民扶弱鋤彊四境肅然擢工部主事旋病沒蕭然壁立知縣夏允彝請祀之學宮云碩學宏才設誠致行視國如家愛民若子執三尺之法岳峙難搖懷一介之操冰清莫染咸實錄也

乾隆賀志

夏允彝字彝仲號緩公嘉善籍華亭人幼穎悟長文學爲幾社巨手崇禎丁丑成進士次年知本縣事始終七載諸弊悉除百廢俱興

民戴如父母欽若神明歲旱禱雨立應四時考課上下游士子咸就正焉一時文風不振公餘修纂邑乘皆手自編輯一秉至公遂成信史福藩時擢爲吏部主事晉禮部員外郎長之士庶如失怙恃爲立生祠南京失守公與兄之子旭子完淳舉家投淮經濟文章萃公一身而忠義孝友又萃公一門也長祀公於名宦祠華亭亦祀公兄弟父子於忠義祠

乾隆賀志

清

呂鳴純揚州人進士順治初知本縣事時兵燹後百務未興鳴純修廢舉墜勸學興文尤善評文所識拔如陳書李靖黃有樹林千里梁大木等皆知名士又捐修文廟學宮射圃至今誦之

乾隆賀志

長樂縣志

卷二十一

列傳一

九

名宦

李岱生號千巖高密人順治戊戌進士康熙初知本縣事潔己愛民時值遷界應遷人戶恐有糧無地半逃散岱生蒞任三日卽力請大府豁浮賦廣招徠再三陳請備寫困苦情狀讀者皆流涕竟停格不行官滿受代去泣送者凡數千人

乾隆賀志

傅宸楹高密人博學能文以進士任本縣分闈所得多知名士時詔下清丈田畝宸楹星軺露處逐區詳定畝數精明勤慎吏胥無敢擾者以勞致疾卒於官民爲立像祀之

乾隆賀志

楊儒臣號又東江南青浦人以蔭生授官本縣清廉風雅善詩能書尤工水墨下車卽興起文學儒風不振閩候長福四學弟子員額各十五至是並增至二十春秋闈獲雋者纍纍皆楊鼓舞之力也

衛良佐號鶴洲鍾祥人嗜學工文康熙間舉於鄉五十二年補邑令性樸直不事修飾及蒞事詳明當理崇儒士興文教尤留心水利開文洽浦砌蓮花堰脩南陂諸廢具舉至今民食其利邑有齊聖王廟愚民崇奉若狂佐撤毀改爲義學祠朱子衆服其守正也論曰公在邑人多稱其翫觀於興利舉廢重道崇儒其翫也其賢也汲長孺可以翫少之哉同治彭志

胡宗文金谿人舉人雍正五年權知縣事吏治精明六年荒旱宗文請於大府赦糧六千餘金民德之後擢本省糧驛道乾隆賀志

楊方江山東長山人進士居心仁厚廉潔恤民本邑食鹽向係聽民販鬻肩負日以千數嗣奉檄歸官方江悉心措理公私利賴不久解組去民至今思之乾隆賀志

長樂縣志

卷二十一

列傳一

十

名宦

戴永樸烏程人舉人勤敏果斷重士愛民縣東文洽浦潮水直入泮池爲邑中水利所關久經淤塞永樸慨然捐俸率先開濬士民亦踴躍勸工築砌成隄濱濶湖年久被侵永樸親巡視達大府得旨豁除浮糧還湖開濬畫界立碑永除積弊灌溉民田七萬餘畝立

祠祀焉

乾隆賀志

廖興鎮衡陽人乾隆三年以名孝廉知縣事居心仁厚愛重斯文省刑緩徵所施多善政嘗修林忠烈伸蒙祠濬龍灣港創造橋閘蒞任未久去士民思之同治彭志

黃瑞鶴號來遠西充人乾隆十四年以進士來知縣事重厚和平廉潔自好待士以禮愛民如子至不忍急切催科重迫百姓去官日

宦囊蕭然士民醵金贈之迄今童謠猶曰黃鶴再來天有眼蓋百餘年未泯云

同治彭志

賀世駿字拔倫號相臯江西安福人雍正己酉舉於鄉乾隆己巳以
鹺務入閩報滿後歷任德化永定所至有政聲丙子調長樂政平
訟理百廢俱興砌南壩修陳塘港清釐東西二湖及長林桃坑等
湖又增修 文武聖廟復射圃設義學移建書院置膏火費公餘
聚諸生講論邑乘年久未修延邑人林調燮鄭愈陳九鼎等襄其
事而親筆削之甲申行取入都邑人士各獻詩以榮其行名曰百
里同音蓋紀實云

論曰公家居為孝廉二十載不事躁進嘗曰讀聖賢書處不為偽儒出不為俗吏乃不虛所學耳及為政果踐所言然則為儒者為循吏公一身兼之顧非講求有素哉

同治彭志

長樂縣志

卷二十一

列傳一

十一

名宦

李鏐號星庚浙江餘杭舉人嘉慶五年任廉明英果摘發如神有蠹
役某素不法聞鏐至即深自斂迹每日在儀門下見人進謁必向
前懇恩曰為某說好話今已改行不復梗盛治矣聽訟勤而治獄
恕凡有巨案從不株連民德之性喜造士有知人鑒觀風首取鄭
孚誠正士也月給米炭終任不衰三次校士案首皆得人董鸞陳
玉銘王登三是也洊任五年調臺灣卒於官邑人士皆思慕焉

彭志

楊清輪號漪園陽湖名進士嘉慶十二年任以造士興文為急務重
修書院廣增膏伙聘名宿李學蓮作之師擇正士鄭蔚然董其事
每公餘即詣講堂與多士談經史論文章間或削墨引繩邑人士
德之祠諸書院以媿賀公焉在任前後凡十三年清不刻而慈不

儒恩威並用風俗以醇嘗三卸縣事其去也民思之其回也民喜之曰我老爹又來也宦久識土音聞之殊喜擢南臺海防陞汀州府以在長樂時洋案失察部議歸年屆古稀猶主講席者十餘年褚登號宣臺靖江人由庶常改知縣以道光十五年署縣事愛民重士除暴安良邑十四都之杜母嶺為來往要衝無賴子聚集其間肆搶掠設拿人館行人苦之登陰戒壯丁夤夜擒其黨火其廬北鄉以靖又有岷石某者素不法號煞神為一方害登設法擒之而南鄉以靖甫半年去衆躋堂為之壽並醴金驢之蓋自楊公以後稱賢令尹者首指屈焉

同治彭志

崔蓬瀛字松如安徽婺源人以名孝廉部選長樂知縣甫下車即以

人心風俗為己任有奸民毒斃其子以命誣族人蓬瀛詳慎推驗識破其奸律以反坐邑俗婦人殉夫必擇日築高臺懸赤繩其上婦冠服登臺向四面作播穀狀戚族環拜扶投縵以殉積習相沿已久有西隅某氏夫死孤又夭氏欲殉亡築臺行有日矣蓬瀛聞之召夫家親屬諭以理著無令氏縊衆有難色蓬瀛凜然曰矯激之行有干厲禁氏若為諒自經當以見死不救罪爾等衆懼而事止蓬瀛泣長者五多善政其終去也士民繪圖歌詩送之名曰攀轅集

彭光藻字敬軒湖南武陵貢生先任福州海防同知同治七年權縣事丰裁嚴峻人不敢干以私摘奸發伏出人意表吏胥憚之至有

自經者邑承前令姑息之弊鄉民愍不畏法擄人械鬪習以爲常光藻捕其魁置之法俗爲之變聽訟必坐堂皇數言間兩造各折服而去有無賴子犯竊逮至堂下不施鞭朴但諭令改過資之以治生遣去後其人卒不復蹈前轍縣志久蕪缺禮江西楊希閔邑人黃見三陳贊採輯而論纂之甫蕪事以代去

徐承禧字心燕江甯六合監生光緒二年權縣事有幹濟才縣陳塘港東西湖資以溉田者二百餘村道咸以來水道日縮旁成沃壤可稼穡鄉民攘而藝之因以構訟承禧慨然曰水利不脩獄訟繁興此有司之過也躬詣履勘以陳塘港迂曲易淤塞於是相形勢購民田而改濬之工竣繼脩西湖其被侵爲田者悉清復之並規

畫善後事宜以絕爭端東湖已尅日鳩工矣旋卸篆蒞官五載百廢俱興凡籌款增吳航書院膏伙脩各廟宇置祭享田業靡不悉心經畫期於民不擾而事舉瀕行猶以東湖未濬爲憾士民懷其德而祠祀之

鄒舒字江西人光緒八年以拔貢知縣事潔己愛民勤求治理有巨族糾搶案舒字嚴厲緝捕痛繩以法闔邑肅然無賴者爲之斂跡遇案牘必細心訊鞠務得其情吏胥不能上下其手素好士尤矜恤寒峻鶴上陳鴻慈舌耕糊口貧病交加舒字贈以金俾資朝夕士林德之旋升署延平府知府以病歸

陳受頤號尺珊浙江鄞縣人以庶吉士改知縣光緒十四年令長樂

前官某語之曰邑俗獷悍號難治非嚴刑不足以示威受頤蹙然曰天下豈有不可化之民哉所患吾誠未至耳自是一意噢咻以寧靜寬仁爲主延見里老詢民疾苦利弊悉與興除民歡樂稱便尋卸事士民議赴省攀留受蹟聞而止之曰官之去留權操自上非爾等所得干兩次分校鄉闈稱得士後升永春州知州

樊明達號敏齋湖北人光緒二十三年以監生知縣事勤恤民隱讞獄務得其情訟之難決者則密探輿論而曲直之鄉有擄人必躬詣按治以故胥吏無所售其奸而澆風衰止英國商船以觸礁飄沉邑牛角山下估售美商美商代理人吳某指該處附近某某村居民撈匿貨物訴於領事索賠償數不貲大吏符縣查追并檄員會辦明達會同委員携吳某詣鄉按戶搜索無據吳意阻而恚令之不左右之也明達窺吳狡僮恐其復唆領事交涉乃留吳署中而優待之遣急足稟請通商局迅咨該領事銷案事以得息逾年移知福清縣去之日送者遮道

以上知縣

宋

陳維德字徽之興化莆田人左僕射陳靖之孫也天禧四年任本縣尉鄰邑有鬪而服毒死者獄成檄維德覆驗維德以計察其誣白之時年十九吏民初以年少易之至是乃大服慶歷間舉能吏治

廣南除知雷州官至虞部員外郎

乾隆賀志

陳之邵同郡候官人操履方平博學好問尤長於詩紹聖四年以通經碩儒登何昌言榜進士佐縣奉憲持廉端已惠下嘗治水利有功於民仕終朝奉大夫宗正少卿祀名宦祠乾隆賀志

諸葛悅淳熙中任長樂簿時前丞相史浩帥閩部不輕以獄訟畀屬吏雅聞悅賢輒委事悅以理平決不規大府意爲是非丞相益相知延幕中幕中故盛賓遊唯悅一話一言無裨益不出口浩自喜晚得士禮與己敵將薦之朝而悅死矣著有易論語註同治彭志

趙文孫字道鳴初名必絳宋宗室商王之九世孫也自紹興移蹕屬籍南外宗正寺遂爲晉江人咸淳丁卯以登極恩賜出身除長樂縣主簿後宋亡遂不仕易名文孫避處郡庠不接流俗專以訓誨

長樂縣志

卷二十一

列傳一

十五

名宦

講解爲事其文章識論淵懿浩博爲閩南碩儒乾隆賀志

明

趙允字執中廣東潮陽人洪武二十年以通經幹濟薦授本縣丞佐政數年汰奸弊去苛擾爲民興利治績煥然可觀十一都海塘崩陷鹹潮病稼允設法修築民至今懷之乾隆賀志

張文可永樂中爲縣丞耿介負直氣是非曲直無所撓屈既蒞任寬恤以子民明決以革奸時大尹王遵道博學謹禮雅重儒先文可與之同志嘗捐俸共立鄉賢祠士民賢之祀名宦祠乾隆賀志

劉有源永樂中任主簿勤政而不取於民溫和好士人雅慕之翰林典籍高棟贈詩云長官清平佐政理況以簿領尤寬仁時以棟之

言爲然祀名宦祠乾隆賀志

黃本字維成吳川人永樂初任典史贊政有聲惠利及民時十一都至十四都海隄崩陷本悉力修築四千餘丈增設旒山塘斗門通捍潮水翰林典籍高棟作述績篇以紀其事祀名宦祠乾隆賀志

朱褒浙之青田人溫和耽書動不渝則成化間以國子生任縣丞廉潔有聲諸所注措悉合時宜嘗禁奪止役務使財阜民殷人以賢

佐貳稱之祀名宦祠乾隆賀志

熊廷用府志作廷相豐城人嘉靖己未爲長樂典史時倭寇猖獗逼縣城

廷用登陴守禦開門縱老幼悉納之存活數千命修築濱澗湖民受其利約已下士爲督學使者所鑒知非世之局於刀筆者乾隆賀志

長樂縣志 卷二十一 列傳一 十六 名宦

以上丞簿尉典史

明

孫大雅直隸江陰人永樂間任教諭敦厚博雅簡默凝重表裏如一爲學必以躬行實踐爲先不屑屑於章句誘引後學不厭不倦被

其教者多克有成祀名宦祠乾隆賀志

廖正廣東潮州人成化間任教諭敦詩書而崇禮義薄聲利而重名

節其文學德行無愧師表云祀名宦祠乾隆賀志

余琪饒平人宏治初由舉人任訓導操行不苟嘗以冠昏喪祭四禮

率生徒講習於社學人咸悅服祀名宦祠乾隆賀志

潘援浙江景甯人宏治十三年以舉人署教諭事器識完粹經學精

研均視諸生絕不爲厚薄低昂之態觀其丰儀聆其議論者樂於
親近如在春風和氣中人以爲有胡蘇湖之風乾隆賀志

郭岱號達山番禺人嘉靖三十八年以舉人署教諭溫厚雅飭居常

恂恂如也人莫窺其喜怒對士子色笑可親往爲師者視通顯側
陋之子復然別矣岱獨待之如一例贈言費必取諸生金爲之岱

曰釀金於衆以爲己惠吾不爲也擢嶧縣知縣乾隆賀志

胡大韶永康人嘉靖間任訓導爲人正直剛方循循善誘貧士以束

脩進輒卻之且捐俸資給焉處縣令尤以禮自繩未老致仕歸賀志

郭翰順德人嘉靖癸丑任訓導言呐呐不出口溫 and 醇厚盎然可掬

居官三年未嘗失色諸生成親仰之致仕歸乾隆賀志

長樂縣志 卷二十一 列傳一 十七

名宦

陳文燦號茂村南陵人萬歷間任教諭以清操聞祀名宦祠乾隆賀志

清

陳夢麟漳州人任閩清學博康熙三十六年署本縣教諭甫下車見

學宮頽圯遂毅然力任捐宦囊爲諸生倡闔邑聞風興感莫不踴

躍贊助三閱月 文廟並兩廡明倫堂名宦祠鄉賢祠文昌閣皆

漸次就緒聿觀厥成從此文風不振夢麟之力爲多乾隆賀志

陸登選甌甯人舉人性沈靜學純粹康熙三十七年任本學教諭因

見學宮修理未竣復倡捐修立學規勤督課好與諸生談論經史

亶亶不倦每月課藝立爲評品汲引後進造就者多闔邑稱頌賀志

廖溶龍巖人舉人沈默簡重持身廉潔學有淵源雍正八年爲本學

教諭日與諸生談論絕不及阿堵事惟以經史督課後進蒞任未久以疾卒於官諸生成痛惜焉乾隆賀志

謝大錫號蔗田龍巖州舉人道光元年任本學訓導工楷法善評文甫下車卽倡議建奎光閣以象文明濬文洽浦以通文運邑人士仰其品學公請在明倫堂主講席及門濟濟如坐春風固百餘年所僅有也不數月以無疾逝門人哀感爲之發喪且私祀焉同治

八年崇祀洽浦報功祠同治彭志

許遂元原名秉衡號健甫甌甯廩貢生以道光三十年署教諭積學能文好行善事適五賢祠圯僉詞請帑寢不行元獨慨然捐百金爲邑人倡並與訓導蔡公捐造樂器祠成祀焉善書法尤長隸書

長樂縣志

卷二十一

列傳一

十八

名宦

人爭寶之

同治彭志

蔡承祐號順甫龍谿舉人以道光己酉任訓導性平易善屬文謁

廟見一啟僅存捐廉俸造樂器設虞業補佾生嗶嗶厥聲園橋觀

聽前此所未聞也諸生頌以扁曰鼓舞作新嗣以重建五賢祠與

許公同祀焉同治彭志

以上學官

清

游崇功字仲嘉漳浦人康熙五十一年爲長福營右軍守備分防長樂恤兵愛民操行不苟縣濱海有磁澳爲賊艘出沒之區崇功廉得其狀以兵二百伏仙峽塘要口復率兵捕之賊棄舟竄伏發擒

十七人獲其舟自是島澳肅然五十一年夏縣水災民艱食崇功憫焉躬之會城見巡撫覺羅滿保請發粟平糶許之卽遣往羅源轉粟回縣濟民食邑人始安滿保以爲能尋遷海壇鎮右營游擊調臺灣水師遊擊六十年夏四月臺灣土賊朱一貴作亂崇功突圍衝擊中鎗墜馬死時年六十及臺平朝廷賜葬祭旌難坊廕一子金闕墓在長樂九都利充裡

舊志事實多脫畧茲參藍鹿州集更正

以上武職